



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<45>> *Sing* 2019թ.

Ո Ր Ո Շ ՈՒ Մ No. 810 /02 Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս քննարկելով <<ՀԱՆԴԻՊՈՒՄ ԱՌԱՋԻՆ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի <<ՀԱՆԴԻՊՈՒՄ ԱՌԱՋԻՆ>> ՍՊԸ-ի (ՀՎՀՀ 00413636, հասցե՝ ք. Երևան, Արցախի փ. 8, պետ. գրանցման համարը՝ 278.110.01777) նկատմամբ <<10>> մայիսի 2019թ-ին հարուցված վարչական վարույթի շրջանակներում գանձման ենթակա պարտավորությունը կազմում է 1.390.683 դրամ, որից ապառք՝ 739.068 դրամ, տույժ՝ 265.539 դրամ, տուգանք՝ 386.076 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ պետական եկամուտների կոմիտեի իրավաբանական վարչության պետի կողմից <31> օգոստոսի 2018թ. կայացվել է թիվ 2721/02-Ա գանձման որոշումը, համաձայն որի <<ՀԱՆԴԻՊՈՒՄ ԱՌԱՋԻՆ>> ՍՊԸ-ից գանձման ենթակա մնացորդ գումարը կազմում է 1.094.211 դրամ, որից ԱԱՀ-ի ապառք՝ 604.068 դրամ, ԱԱՀ-ի տույժ՝ 110.067 դրամ, ԱԱՀ-ի տուգանք՝ 380.076 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 296.472 դրամ, որից՝

Եկամտային հարկի գծով պարտավորությունը կազմում է 152.460 դրամ, որից ապառք՝ 120.000 դրամ, տույժ՝ 26.460 դրամ, տուգանք՝ 6.000 դրամ, որն առաջացել է 2018թ. հունիս ամսվա եկամտային հարկի և սոցիալական վճարի վերաբերյալ հաշվարկից և ՀՀ հարկային օրենսգրքի 401-րդ և 402-րդ հոդվածների համաձայն հաշվարկված տույժերից և տուգանքից,

շահութահարկի գծով պարտավորությունը կազմում է 15.202 դրամ, որից ապառք՝ 15.000 դրամ, տույժ՝ 202 դրամ, որն առաջացել է 2018թ. ռեզիդենտի շահութահարկի տարեկան հաշվարկից և ՀՀ հարկային օրենսգրքի 401-րդ հոդվածի համաձայն հաշվարկված տույժերից,

ԱԱՀ-ի գծով պարտավորությունը կազմում է 128.810 դրամ, որը տույժի գծով պարտավորություն է և հաշվարկվել է ՀՀ հարկային օրենսգրքի 401-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Համաձայն ՀՀ Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, ՀՀ հարկային ծառայության մասին>> ՀՀ օրենքի 4-րդ հոդվածի 9-րդ մասով և ՀՀ վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. ՀՀ ԱՆԴԻՊՈՒՄ ԱՌԱՋԻՆ>> ՍՊԸ-ից գանձել **296.472** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:

5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



Handwritten signature in blue ink.

Ա. ՄՆԱՑԱԿԱՆՅԱՆ

Կատարող՝ Լ. Թորոսյան
ԻՎ ՀԳԲ գլխ. մասնագետ
Հեռ. /010/ 54 91 91 /9165/

ԾԱՆՈԹՈՒԹՅՈՒՆ

Հարկ վճարողի չկատարված պարտավորությունների գանձման վերաբերյալ հարկային մարմնում առկա մեկից ավելի վարույթների շրջանակներում ընդունված և ուժի մեջ մտած որոշումներով գանձման ենթակա ընդհանուր պարտավորությունը 500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի: